

ЁЛҒОННИ ТАРҚ ҚИЛИШ БУЮК ФАЗИЛАТДИР (давоми)



10:30 / 24.12.2018 1705

Бир куни Мадинанинг бозорида юрсам, таом сотиш учун келган кишилардан бири одамларга:

«Ким менга Каъб ибн Моликни кўрсатиб қўяди?» демоқда. Одамлар унга мени ишора билан кўрсата бошлишди. У олдимга келиб, Фассон подшоҳининг мактубини берди. Мен ўқиш-ёзишни билар эдим. Очиб ўқисам, «Бизга соҳибингнинг сенга жафо қилгани хабари етиб келди. Аллоҳ сени хорлик ва зоелик диёрида қўймасин. Бизнинг ҳузуримизга кел, сенга яхшилик қиласиз», деб ёзилган эди. Мактубни ўқиб бўлиб «Бу ҳам бир бало - синов», дедим ва уни олиб бориб, тандирга солдим. Эллик кундан қирқ кун ўтганидан сўнг Расулуллоҳ соллаллоҳу алайҳи васалламнинг вакили келиб:

- Расулуллоҳ соллаллоҳу алайҳи васаллам сенга хотинингдан четда бўлишни амр қилдилар, - деди.
- Талоқ қиласми, нима қиласми? - дедим.
- Йўқ, ундан четда бўл, яқинлашма, - деди.

Икки шеригимга ҳам худди шундай амр бўлди.

Мен хотинимга:

- То Аллоҳ бу ишда Ўз ҳукмини чиқаргунча қариндошларингникига бориб тур, - дедим.

Ҳилол ибн Умайяning хотини Расулуллоҳ соллаллоҳу алайҳи васалламнинг ҳузурларига келиб:

- Эй Аллоҳнинг Расули! Ҳилол қартайиб қолган чол. Унинг хизматчиси йўқ. Унга хизмат қилиб турсам, сизга ёқмайдими? - деди. Расулуллоҳ соллаллоҳу алайҳи васаллам:

- Йўқ. Лекин сенга яқинлашмасин, - дедилар.

- Аллоҳга қасамки, унинг бу нарсага ҳаракати йўқ ва Аллоҳга қасамки, сизнинг амрингиз бўлган кундан буён йиғлайди, - деди.

Баъзи қариндошларим:

- Расулуллоҳ соллаллоҳу алайҳи васалламдан хотининг ҳақида изн сўрасанг-чи, Ҳилол ибн Умайяning хотинига унинг хизматини қилишга изн бердилар, - дейишди.

- Аллоҳга қасамки, мен у ҳақида Расулуллоҳ соллаллоҳу алайҳи васалламдан изн сўрамайман, изн сўрасам, нима дейишларини ҳам билмайман. Ёш одам бўлсан, - дедим.

Яна ўн кун ўтказдик. Бизга гапириш ман қилинганига эллик кун тўлди. Эллигинчи кеча бомдод намозини уйларимиздан бирининг устида ўқидим. Аллоҳ бизни зикр қилганидек, ўзимча юрагим сиқилиб, кенг ер кўзимга тор кўриниб ўтирган эдим, Саль тоғи устидан бир одамнинг баланд овоз билан:

«Эй Каъб ибн Молик! Хушнуд бўлавер!» деб қичқираётганини эшитдим ва дарҳол саждага йиқилдим. Кушойиш келганини билдим. Расулуллоҳ соллаллоҳу алайҳи васаллам бомдод намозини ўқиганларидан кейин Аллоҳ бизнинг тавбамизни қабул этганини эълон қилдилар. Одамлар бизга хушхабар келтира бошладилар. Шерикларим томон ҳам хушхабарчилар кетди.

Бир одам мен томон от чоптирган, бири пиёда югурган эди. Пиёда келаётган ёки йўлга тушган одам тоқقا чиқиб бақирди. Унинг овози менга отдан олдин етиб келди. Мен овозини эшитган одам олдимга етиб келгач, кийимимни ечиб, суюнчисига унга кийдирдим.

Аллоҳга қасамки, ўша вақтда ўзи бошқа нарсам ҳам йўқ эди. Бирордан қарзга кийим олиб, кийдим-да, Ра-сулуллоҳ соллаллоҳу алайҳи васаллам томон югурдим. Одамлар гуруҳ-гуруҳ бўлиб, тавбам қабул бўлгани билан табриклишар ва:

«Аллоҳ сенинг тавбангни қабул этгани муборак бўлсин!» дейишар эди.

Масjidга кирсам, Расулуллоҳ соллаллоҳу алайҳи васаллам ўтирибдилар, атрофларида одамлар. Толҳа ибн Убайдуллоҳ туриб, шошилиб келиб, қўлимни олди ва табриклиди.

Аллоҳга қасамки, муҳожирлардан ундан бошқаси турмади. Расулуллоҳ соллаллоҳу алайҳи васалламга салом берган эдим, у киши хурсандликдан юzlари чарақлаб:

- Онанг сени туққанидан буён қувончли кунингнинг хурсандчилигини қиласавер, - дедилар.
- Эй Аллоҳнинг Расули, сиз тарафингизданми ёки Аллоҳ тарафиданми? - дедим.
- Йўқ! Аллоҳ томонидан, - дедилар у зот.

Одатда Расулуллоҳ соллаллоҳу алайҳи васаллам хурсанд бўлсалар, юzlари худди ойнинг парчасидек нурли бўлиб кетарди. Биз буни яхши билар эдик. У кишининг олдиларига ўтирганимдан сўнг:

- Эй Аллоҳнинг Расули! Тавбам учун молимдан Аллоҳ ва Унинг Расулига садақа чиқарсам, - дедим.
- Молингдан баъзисини ўзинг учун олиб қолганинг ўзингга яхши, - дедилар у зот.
- Хайбардан теккан улушимни олиб қоламан, эй Аллоҳнинг Расули, Аллоҳ менга ростгўйлик туфайли нажот берди. То тирик эканман, рост сўзламоғим ҳам тавбамдандир, - дедим.

Аллоҳга қасамки, мен Расулуллоҳ соллаллоҳу алайҳи васалламга ўшани айтганимдан буён одамларнинг ичида Аллоҳ тўғрисўзликда мени синагандек синаган бирон кишини билмайман. Аллоҳга қасамки, Расулуллоҳ соллаллоҳу алайҳи васалламга ўша гапни гапирганимдан ҳозирги кунгача ҳеч ёлғон сўзламадим. Бундан буён ҳам мени Аллоҳнинг Ўзи муҳофаза қилишига умид қиласман.

Сўнг Аллоҳ таоло

«Ортга сурилган уч кишининг ҳам. Ниҳоят, уларга кенг ер тор бўлиб, юраклари сиқилиб, Ал-лоҳдан Унинг Ўзидан бошқа бошпана йўқлигига тўла ишонгандаридан сўнг, бутунлай қайтишлари учун (Аллоҳ) тавбаларини қабул қилди. Албатта, Аллоҳ Ўзи тавбани кўплаб қабул қилувчидир, ўта раҳмлидир» оятини нозил қилди».

Бу ояти карима ҳамда баён қилинган қиссада олам-олам маъно ва ибрат бор. Баъзи уламоларимиз улар ҳақида батафсил гапириб ўтганлар. Агар ҳозирги мусулмонларда Каъб ибн Молик розияллоҳу анхунинг садоқати ва дину диёнат йўлидаги сафарбарликдан четда қолиш сабабидан хижолат бўлишининг миллиондан бир бўлаги бўлганда эди дунё тамоман бошқача бўлган бўлар эди.

“Ёлғон” китобидан